

Monique Giel Labad di WGK:

Varios hoben cu sali na estado bou influencia no sa kende ta e tata di e baby

ORANJESTAD (AAN): Monique Giel di Wit Gele Kruis a splica cu tin basta cos cu nan ta registra durante un caso di embarazo hubenil. Por analiza henter e situacion dicon un hoben ta sali na estado. Asina ta busca pa sa ki tipo di alcohol a wordo bebi y efecto cu esaki ta trece. Tin biaha ta bay cerca amiganan cu a sali embaraza pa busca informacion.

Hopi hoben ta bebe Vodka pasobra e no tin holo y color segun e hobennan. Ta combina Whisky, Vodka cu Rum y ta manda e hobennan ta hasta for di tino segun Monique Giel di WGK.



Djey nan ta ripara cu nan a sali na estado y tin kier haci abortus cu te hasta tres luna di embarazo. Aki e yiu ta forma caba.

Ora papia cu e amiganan ta tende e efecto y ta trata di hobennan di 13 y 14 aña cu ta consumi alcohol y cay den e grupo di emabarazo hubenil. Mester pone bon atencion pasobra e cifra di e grupo aki ta netamente esun mas halto. Tin tambe ademas di parto indesea e hobennan aki no sa kende ta tata di e baby.

E bebecimento cu bebidanan bruha tambe tin consecuencia pa e hoben riba su higr. E consecuencia cu esaki ta

trece cune ta hopi. E ta conta pa adulto tambe cu ta bebe y ta duna e yiunan un mal ehempel pasobra e hoben mes ta vocifera esaki. E mensahe di WGK ta pa goza carnaval. No por bisa no bebe pasobra nan ta bebe tog. Djis bebe na midi pa ora tuma un decision haci e decision corecto y no lamenta.

**Telefonnan
di DIARIO**

582-6747

Fax 582-8551